



# SLUŽBENI GLASNIK OPĆINE ŽIVINICE

**GODINA XLIX**

**03.APRIL 2014. GODINE**

**BROJ 5**

Na osnovu člana 13. Zakona o principima lokalne samouprave („Sl. glasnik F BiH, br. 49/06) i člana 24. Statuta općine Živinice („Sl. glasnik općine Živinice“, br. 4/2012), Općinsko vijeće Živinice na vanrednoj sjednici održanoj dana 25.3.2014. godine, d o n o s i

## **ODLUKU**

o izmjeni i dopuni Odluke o povjeravanju javnih ovlaštenja  
br. 010-05-4915/05 od 17.10.2005. godine.

### **I**

Mijenja se član I Odluke o povjeravanju javnih ovlaštenja, br. 010-05-4915/05 od 17.10.2005. godine, tako što se u stavu prvom pod rednim broje, 1. briše riječ „tržnice“.

### **II**

Vođenje brige o gradskoj tržnici povjerava se JKP „Komunalno“ dd Živinice, a ukoliko ne bude ispunilo zakonom predviđene uslove za rad tržnice ova Odluka će se staviti van snage.

### **III**

Odluka o visini zakupa će se urediti posebnom odlukom Općinskog vijeća.

### **IV**

Ostale odredbe Odluke o povjeravanju javnih ovlaštenja br. 010-05-4915/05 od 17.10.2005. godine se ne mijenjaju.

### **V**

Ova Odluka stupa na snagu danom donošenja, a objaviti će se u „Službenom glasniku općine Živinice“.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
**- Općinsko vijeće -**

**PREDSJEDAVAJUĆA  
OPĆINSKOG VIJEĆA ŽIVINICE**

Samra Omić,s.r.

Broj: 10-05-1615/2014  
Dana, 26.03.2014. godine

Na osnovu člana 13. Zakona o principima lokalne samouprave u F BiH („Sl. novine FBiH“, br. 49/06) i člana 21. i 24. Statuta općine Živinice („Službeni glasnik općine Živinice“, br. 4/12), Općinsko vijeće na prijedlog Komisije za izbor i imenovanja i administrativna pitanja Općinskog vijeća Živinice, na vanrednoj sjednici održanoj 31.3.2014. godine, d o n o s i

**O D L U K U**  
**O IZMJENI ODLUKE O NAKNADAMA VIJEĆNIKA I ZAMJENIKA**  
**PREDSJEDAVAJUĆEG OPĆINSKOG VIJEĆA ŽIVINICE**

**Član 1.**

Mijenja se član 2. Odluke o naknadama vijećnika i zamjenika predsjedavajućeg Općinskog vijeća Živinice br. 10-05-2618-4 od 15.5.2013. godine tako što se u stavu 1. umjesto „pravo na naknadu po osnovu vršenja funkcije vijećnika – vijećnički paušal iznosi 3 neto osnovice koju utvrđuje Sindikat i Općinski načelnik“ piše „pravo na naknadu po osnovu vršenja funkcije vijećnika – vijećnički paušal iznosi 2,5 neto osnovice koju utvrđuje Sindikat i Općinski načelnik“.

**Član 2.**

Ostale odredbe Odluke o naknadama vijećnika i zamjenika predsjedavajućeg Općinskog vijeća Živinice se ne mijenjaju.

**Član 3.**

Odluka stupa na snagu danom donošenja i primjenjivat će se od 01.4.2014. godine, a objavit će se u „Službenom glasniku općine Živinice“.

Bosna i Hercegovina  
Federacija Bosne i Hercegovine  
Tuzlanski kanton  
Općina Živinice  
**- Općinsko vijeće -**

**PREDSJEDAVAJUĆA**  
**OPĆINSKOG VIJEĆA**

Samra Omić, s.r.

Broj: 10-05-1640/2014  
Dana, 01.4.2014. godine

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA ŽIVINICE  
- Općinsko vijeće –  
Broj:10-05-1600/2014  
Dana, 31.03.2014. godine

Na osnovu člana 13. Zakona o principima lokalne samouprave („Sl. novine FBiH“, br. 49/06 i 51/09) i člana 24. Statuta općine Živinice („Službeni glasnik općine Živinice“, br. 4/2012), Općinsko vijeće Živinice, na sjednici održanoj 31.03.2014.godine donosi

## ODLUKU

### Član 1.

U Upravne i Nadzorne odbore javnih ustanova i javnih preduzeća, čiji je osnivač Općina Živinice, kao i u Komisije koje imenuje Općinsko vijeće i Općinski načelnik, mogu biti imenovana lica koja ispunjavaju zakonom i drugim pravnim aktima propisane uslove.

### Član 2.

Članovi Upravnih ili Nadzornih odbora javnih ustanova i javnih preduzeća, kao i članovi Komisija koje imenuje Općinsko vijeće i Općinski načelnik, a koji su uposlenici organa uprave Općine Živinice, mogu ostvariti pravo na naknadu samo ukoliko su prisustvovali sjednici Upravnog ili Nadzornog odbora, odnosno sjednici Komisije, van radnog vremena.

### Član 3.

Ova Odluka stupa na snagu danom objavljivanja u „Službenom glasniku općine Živinice“.

BM

PREDSJEDAVAJUĆA  
OPĆINSKOG VIJEĆA  
Samra Omić,s.r.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA ŽIVINICE  
- Općinsko vijeće –  
Broj:10-05-1751/2014  
Dana, 31.03.2014. godine

Na osnovu člana 13. Zakona o principima lokalne samouprave („Sl. novine FBiH“, br. 49/06 i 51/09) i člana 24. Statuta općine Živinice („Službeni glasnik općine Živinice“, br. 4/2012), Općinsko vijeće Živinice, na sjednici održanoj 31.03.2014.godine donosi

**ODLUKU**  
o naknadama Nadzornih i Upravnih odbora

Član 1.

Ovom odlukom utvrđuje se visina mjesečne naknade članova Nadzornih i Upravnih odbora javnih preduzeća i javnih ustanova, čiji je osnivač Općina Živinice.

Član 2.

Predsjednik i članovi Nadzornih odbora javnih preduzeća za rad u Nadzornom odboru, kao i predsjednik i članovi Upravnih odbora javnih ustanova, za rad u Upravnom odboru, imaju pravo na mjesečnu naknadu u sljedećim bruto iznosima:

Predsjednik Nadzornog i Upravnog odbora ..... 120,00 KM  
Član Nadzornog i Upravnog odbora ..... 90,00 KM

Član 3.

Predsjednici i članovi Nadzornih i Upravnih odbora mogu ostvariti naknadu iz člana 1. ove Odluke samo ukoliko su prisustvovali najmanje jednoj sjednici Nadzornog, odnosno Upravnog odbora u toku mjeseca.

Član 4.

Ova Odluka stupa na snagu danom objavljivanja u „Službenom glasniku općine Živinice“.

**PREDSJEDAVAJUĆA**  
**OPĆINSKOG VIJEĆA**  
Samra Omić,s.r.

Na osnovu člana 22., 23., 24., 25. i 26. Zakona o prostornom planiranju i korištenju zemljišta na nivou Federacije Bosne i Hercegovine ("Sl.novine Federacije BiH", broj: 2/06, 72/07, 32/08, 4/10, 13/10 i 45/10), člana 8. Zakona o principima lokalne samouprave u Federaciji BiH ("Sl.novine Federacije BiH", broj: 59/06 i 51/09), člana 22., 37., 38., 40., 41., 42., 43., 44., 45. i 46., Zakona o prostornom uređenju i građenju ("Sl.novine TK", broj: 6/11, 4/13 i 15/13), člana 69., 70., 71. i 72. Uredbe o jedinstvenoj metodologiji za izradu planskih dokumenata ("Sl.novine Federacije BiH", broj: 63/04, 50/07 i 84/10) i člana 24. tačka 5. Statuta Općine Živinice ("Sl.glasnik Općine Živinice", broj: 4/2012), Općinsko vijeće Živinice, na sjednici održanoj dana 03.04. 2014.god., d o n o s i:

## **O D L U K U**

### **O PRISTUPANJU IZRADI URBANISTIČKOG PROJEKTA**

#### **"GRADSKA PIJACA" ŽIVINICE**

##### **Vrsta Plana**

#### **Član 1.**

Pristupa se izradi Urbanističkog projekta "Gradska pijaca" Živinice, (u daljem tekstu: Plan),

##### **Granice područja za koji se Plan radi**

#### **Član 2.**

Granice zone obuhvata regulisane Planom definisane su prelomnom tačkom A sa koordinatama  $y=6552241,14$  i  $x=4922690,03$ .

Granica regulisana Planom obuhvata lokalitet stare gradske pijace.

Sve katastarske parcele koje se nalaze u zoni obuhvata čije su granice definisane navedenim koordinatama pripadaju katastarskoj općini K.O. Živinice Grad, Općina Živinice.

Granice obuhvata date su na grafičkom prilogu ove Odluke.

#### **Član 3.**

Izradi Plana pristupa se na osnovu Prostornog plana TK i Regulacionog plana "Riba" Živinice.

##### **Vremenski period za koji se Plan donosi**

#### **Član 4.**

Plan se donosi za period od 5 (pet) godina.

##### **Nosilac pripreme i nosilac izrade**

#### **Član 5.**

Nosilac pripreme Plana je Služba za prostorno planirenje i komunalne poslove Općine Živinice (u daljem tekstu: nosilac pripreme).

Nosilac izrade Plana (u daljem tekstu: nosilac izrade), odredit će se u skladu sa članom 44. i 21. Zakona o prostornom uređenju i građenju ("Sl.novine TK-a", broj:6/11, 4/13 i 15/13) uz uvažavanje odredbi Zakonom o javnim nabavkama Bosne i Hercegovine.

#### Smjernice za izradu Plana

### Član 6.

Izradi Plana pristupa se u svrhu unapređenja i uređenja prostora za potrebe novih sadržaja i kapaciteta u cilju svrsishodnog organiziranja, korištenja i namjene prostora kao i projektovanja novih sadržaja radi zadovoljavanja uslova minimalne tehničke opremljenosti prostora i zgrada u zoni obuhvata na kojim se obavlja prodaja poljoprivredno-prehrambenih proizvoda i druge robe u skladu sa tržišnim redom i Pravilnikom o uslovima minimalne tehničke opremljenosti poslovnih prostora za obavljanje trgovine i trgovinskih usluga.

#### Opšte smjernice za izradu Plana:

- Nosilac pripreme dužan je na nacrt Plana pribaviti saglasnost Ministarstva prostornog uređenja i zaštite okolice TK-a, Tuzla, da je Plan usklađen sa važećim planskim dokumentima šireg područja, odnosno Prostornog plana TK-a za period 2005 – 2025.god. Saglasnost mora biti dostavljena u roku od 30 dana od dana prijema Plana.

Ako Ministarstvo ne dostavi saglasnost u propisanom roku, smatrat će se da je ista data, odnosno da nema primjedbi na nacrt Plana;

- Plan izraditi u skladu sa sadržajem koji je za ovu vrstu plana utvrđen Zakonom o prostornom planiranju i korištenju zemljišta na nivou Federacije BiH ("Sl.novine Federacije BiH", broj: 2/06, 72/07, 32/08, 4/10, 13/10 i 45/10), Zakonom o prostornom uređenju i građenju ("Sl.novine TK-a", broj: 6/11, 4/13 i 15/13) i Uredbom o jedinstvoj metodologiji za izradu planskih dokumenata ("Sl.novine Federacije BiH", broj: 63/04, 50/07 i 84/10), te postupak razmatranja, izrade i donošenja Plana provesti u skladu sa istim propisima.

#### Posebne smjernice za izradu Plana su:

- Izvršiti geodetsko snimanje postojećeg stanja u obuhvatu Plana;
- Prije odobranja zahvata u prostoru u zoni obuhvata, neophodno je prethodno riješiti imovinsko-pravne odnose koji trenutno postoje na zemljištu u zoni obuhvata, u skladu sa relevantnim zakonskim odredbama (Zakon o vlasničko-pravnim odnosima i sl.);
- Izradi Plana prethodi izrada Projektnog programa kojim treba dati osnovu za izradu Plana u skladu sa relevantnim zakonskim odredbama;
- Pri izradi arhitektonsko-urbanističkog rješenja, idejnog projekta parternog rješenja, idejnog projekta saobraćajne, komunalne i energetske infrastrukture i idejnog projekta objekata (šandova), voditi računa da projektovanjem svih sadržaja budu ispunjeni uslovi minimalne tehničke opremljenosti prostora i objekata na kojima će se obavljati prodaja poljoprivredno-prehrambenih proizvoda i drugih roba u skladu sa tržišnim redom i Pravilnikom o uslovima minimalne tehničke opremljenosti poslovnih prostora za obavljanje trgovine i trgovinskih usluga ("Sl.novine Federacije BiH", broj: 49/12) i to prevashodno sadržaje projektovati u skladu sa uslovima propisanim članom 82. Pravilnika;
- Planom predvidjeti rješavanje pitanja saobraćajnog, komunalnog, energetskog i infrastrukturnog povezivanja kompleksa sa zonama u kontaktu;
- Arhitektonsko-urbanističkim rješenjem i Idejnim projektom parternog rješenja treba dati osnovu za izradu Plana, tako da se maksimalno pokuša udovoljiti zahtjevima zainteresiranih investitora i njihovim potrebama, pod uslovom da se ne naruše urbanističko-arhitektonski uvjeti gradnje na

datom prostoru kao i Zakonom propisani uslovi za uređenje prostora i zgrada u kojem će se obavljati prodaja;

- Prostornu organizaciju uraditi tako da se u oblikovom smislu doprinese funkcionisanju i obavljanju rada u skladu sa potrebama lokalnog stanovništva te doprinese i poboljšanju kvaliteta života lokalnog stanovništva;

**Rok za izradu Plana**

#### **Član 7.**

Rok za pripremu, izradu i donošenje Plana je **2 mjeseca**.

**Sadržaj Plana**

#### **Član 8.**

Plan treba da se sastoji od tekstualnog i grafičkog dijela.

Pored obaveznog sadržaja predviđenog članom 64., 65. i 66. Uredbe Plan treba sadržavati:

##### Tekstualni dio:

- Izvod iz teksta Regulacionog plana za odnosnu prostornu cjelinu;
- Obrazloženje rješenja;
- Obrazloženje parternog rješenja;
- Obrazloženje idejnog projekta objekta;
- Orijentacioni predračun uređenja građevinskog zemljišta;
- Orijentacioni predračun izgradnje objekta.

##### Grafički dio:

- Izvod iz Regulacionog plana;
- Arhitektonsko – urbanističko rješenje;
- Idejni projekat parternog rješenja;
- Regulacioni i nivelacioni podaci,
- Idejni projekat saobraćajne, komunalne i energetske infrastrukture na nivou idejnih rješenja;
- Idejni projekti objekata u R=1:200 i R=1:100.

**Javna rasprava, javni uvid i donošenje Plana**

#### **Član 9.**

Nosilac izrade izraditi će osnovnu koncepciju Plana i dostaviti ga nosiocu pripreme na razmatranje i usaglašavanje sa javnošću.

Nakon usvajanja osnovne koncepcije Plana, nosilac izrade će izraditi prednacrt i dostaviti nosiocu pripreme radi utvrđivanja nacrtu.

Nosilac izrade dostaviti će nosiocu pripreme prednacrt Plana prema jedinstvenom konceptu, odnosno u analognoj formi: tekstualni dio tri primjerka i grafički dio u tri primjerka, kao i u digitalnoj formi – cjelokupni sadržaj Plana (tekstualni i grafički dio) najmanje jedan primjerak (na računarskom mediju) kako je definisano odredbom člana 74. do 79. Uredbe.

Nosilac pripreme utvrdit će nacrt Plana i podnijeti ga Općinskom vijeću na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave iz stava o nacrtu Plana, nosilac pripreme utvrdit će prijedlog Plana i podnijeti ga Općinskom vijeću na donošenje.

Uključivanje javnosti u proces donošenja Plana, sa svim potrebnim elementima i terminima za uključivanje javnosti u proces donošenja Plana kao organizovanje skupova sa raspravom o nacrtu Plana, odvijat će se u skladu sa Programom uključivanje javnosti u proces donošenja Plana koji će biti donesen u postupku donošenje Plana.

#### **Način osiguranja sredstava**

### **Član 10.**

Sredstva za pripremu, izradu i donošenje Plana osigurati će organizator pijace JKP "Komunalno" d.d. Živinice.

#### **Ostale odredbe**

### **Član 11.**

Nosilac pripreme dužan je osigurati saradnju i koordinirati aktivnostima svih zainteresiranih strana u procesu prostornog planiranja, kao što su zainteresirani investitori, zakoniti korisnici prostora, organi uprave, nosioci javnih ovlaštenja nadležnog za vodoprivredu, poljoprivredu, promet, energetiku, telekomunikacije, zaštitu okolice i sl. i drugi subjekti kao subjekti planiranja.

### **Član 12.**

Sastavni dio ove Odluke je grafički prilog sa ucrtanom granicom obuhvata Plana.

### **Član 13.**

Ova Odluka stupa na snagu osmog dana od dana objavljivanja u "Sl.glasniku Općine Živinice".

EG

OPĆINA ŽIVINICE

Općinsko vijeće

Broj: 10-05-1794/2014

Datum: 03.04.2014. godine

PREDSJEDAVAJUĆA

OPĆINSKOG VIJEĆA

Omić Samra, s.r.

### O b r a z l o Ź e n j e

Razlozi za pristupanje izradi Urbanističkog projekta "Gradska pijaca" Živinice, proizilaze iz, prije svega potreba lokalnog stanovništva, odnosno zainteresiranih investitora a prevashodno trenutnih korisnika prostora u zoni obuhvata Plana kao i potrebe da se korištenje prostora obuhvaćenog lokalitetom gradske pijace projektuje i uskladi sa zakonskim odredbama i to prevashodno odredbama Zakona o prostornom uređenju i građenju ("Sl.novine TK-a", broj: 6/11, 4/13 i 15/13) kao i odredbama Pravilnika o uslovima minimalne tehničke opremljenosti poslovnih prostora za obavljanje trgovine i trgovinskih usluga ("Sl.novine Federacije BiH", broj: 49/12).

Izradi Plana neophodno je pristupiti u svrhu unapređenja i uređenja prostora za potrebe novih sadržaja i kapaciteta u cilju svrsishodnog organiziranja, korištenja i namjene prostora kao i projektovanja novih sadržaja radi zadovoljavanja uslova minimalne tehničke opremljenosti prostora i zgrada u zoni obuhvata na kojim se obavlja prodaja poljoprivredno-prehrambenih proizvoda i druge robe u skladu sa tržišnim redom i Pravilnikom o uslovima minimalne tehničke opremljenosti poslovnih prostora za obavljanje trgovine i trgovinskih usluga ("Sl.novine Federacije BiH", broj: 49/12).

Takođe, postojeća situacija na predmetnom lokalitetu u cjelosti ne odgovara zahtjevima novih zakonskih propisa, što će značiti da bi se izradom ovog Plana korištenje prostora o zoni obuhvata kao i njegovo projektovanje uskladilo sa zakonskim postavkama, a prevashodno omogućilo i predvidilo ispunjavanje uslova minimalne tehničke opremljenosti prostora i zgrada u zoni obuhvata na kojim se obavlja prodaja poljoprivredno-prehrambenih proizvoda i druge robe u skladu sa tržišnim redom i Pravilnikom o uslovima minimalne tehničke opremljenosti poslovnih prostora za obavljanje trgovine i trgovinskih usluga ("SL.novine Federacije BiH", broj: 49/12).

Imajući u vidu naprijed navedeno, nakon sagledavanja cjelokupne problematike, jasno je da postoje realni razlozi za pristupanju izradi Urbanističkog projekta "Gradska pijaca" Živinice, na osnovu kojeg će se vršiti zahvati na način da se na tom lokalitetu izgradi moderna gradska tržnica sa pratećim sadržajem, a čijoj se izradi pristupa donošenjem ove Odluke, a u skladu sa relevantnim odredbama Zakona o prostornom planiranju i korištenju zemljišta na nivou Federacije Bosne i Hercegovine ("Sl.novine Federacije BiH", broj: 2/06, 72/07, 32/08, 4/10, 13/10 i 45/10), Zakona o prostornom uređenju i građenju ("Sl.novine TK", broj: 6/11, 4/13 i 15/13) i odredbama Uredbe o jedinstvenoj metodologiji za izradu planskih dokumenata ("Sl.novine Federacije BiH", broj: 63/04, 50/07 i 84/10) koji propisi i predstavljaju pravni osnov pristupanja izradi Plana.

**Služba za prostorno planiranje**

**i komunalne poslove**



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-1615-1/2014

Dana, 26.3.2014. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), člana 133. i 134. Poslovnika o radu Općinskog vijeća Živinice („Službeni glasnik općine Živinice”, br. 13/12), Općinsko vijeće Živinice na Vanrednoj sjednici održanoj dana 25.3.2014. godine, u povodu tačke dnevnog reda – Prijedlog Odluke o izmjeni i dopuni Odluke o povjeravanju javnih ovlaštenja, br. 010-05-4915/05 od 17.10.2005. godine, donosi sljedeće

## **ZAKLJUČKE**

### **I**

1. Zadužuje se titular gradskom pijacom JKP „Komunalno” dd Živinice da odmah pristupi aktivnostima otvaranja dijela pijace koji ispunjavaju minimalne tehničke uslove, a u roku od 15 dana da se uredi i ostali dio pijace za minimalne tehničke uslove, te da se odmah pristupi predlaganju novog pijačnog reda.
2. Da Služba za geodetske i imovinsko pravne poslove na prvoj narednoj sjednici pripremi informaciju o imovinsko-pravnim odnosima na gradskoj tržnici sa prijedlogom mjera i rokova za uknjižbu gradske pijace na općinu Živinice u vlasništvu 1/1.
3. Nalaže se Općinskom načelniku da u radni odnos angažuje tržišnog inspektora u općinu Živinice.
4. Da se na prvoj sjednici Općinskog vijeća imenuje Skupština JKP „Komunalno” dd Živinice.

### **II**

Zaključke objaviti u „Službenom glasniku općine Živinice”.

**PREDSJEDAVAJUĆA  
OPĆINSKOG VIJEĆA**

Samra Omić,s.r.



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-1061-2/2014

Dana, 19.3.2014. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), člana 133. i 134. Poslovnika o radu Općinskog vijeća Živinice („Službeni glasnik općine Živinice”, br. 13/12), na prijedlog Kolegija, Općinsko vijeće Živinice na Vanrednoj sjednici održanoj dana 17.3.2014. godine, a na osnovu zahtjeva boračkih udruženja općine Živinice, obespravljenih radnika i Udruženja poljoprivrednika općine Živinice, donosi sljedeće

## **ZAKLJUČKE**

### **I**

1. Da Općinsko vijeće Živinice donese odluku kojom uposlenici organa uprave i općinski vijećnici ne mogu biti u upravnim i nadzornim odborima kao i komisijama koje imenuje Općinsko vijeće i Općinski načelnik, osim u slučajevima predviđenim zakonom
2. Da Općinski načelnik detaljno sagleda rashode svake budžetske pozicije svih budžetskih korisnika, ocijeni i predloži mogućnosti uštede na svakoj budžetskoj poziciji, kao i da pripremi i predloži izmjenu i dopunu Odluke o plaćama uposlenika u organu uprave, kao i Općinskom načelniku i izvrši usaglašavanje plaća sa Zakonom o plaćama i naknadama u organima vlasti F BiH.
3. Da Općinsko vijeće Živinice donese Odluku o smanjenju paušala općinskih vijećnika (visinu smanjenja da predloži Komisija za izbor i imenovanja i administrativna pitanja Općinskog vijeća Živinice na osnovu svih pristiglih prijedloga).
4. Da Općinsko vijeće Živinice donese Odluku o ukidanju bijelog hljeba za sve izabrane i imenovane zvaničnike općine Živinice.
5. Da Općinsko vijeće u komisije Općinskog vijeća uključe nezaposlenu boračku populaciju i njihovu djecu koji ispunjavaju uslove u skladu sa zakonom.
6. Da Općinsko vijeće Živinice donese Odluku o oslobađanju od naknade za parking prostore za sve RVI, a da se u narednom periodu iznađe rješenje za oslobađanje i ostalih boračkih kategorija.
7. Da Općinsko vijeće Živinice i Načelnik općine u budžetu za 2014. godinu planira sredstva od 1% od planiranog budžeta, bez grantova, za rad boračkih udruženja, jednokratne novčane pomoći i druge pomoći boračkoj populaciji, a kriterije za raspodjelu sredstava bliže će se utvrditi na osnovu prijedloga boračkih udruženja općine Živinice.
8. Da se za smještaj boračkih kategorija neriješenog stambenog pitanja stavi jedan kolektivni centar na području općine Živinice koji bi se sanirao i rekonstruisao namjenskim sredstvima Ministarstva za boračka pitanja TK.
9. Da Općinsko vijeće Živinice i Općinski načelnik upute dopise privrednim subjektima općine Živinice, JU i JP čiji je osnivač općine Živinice da prednost u zapošljavanju

- imaju pripadnici boračke populacije i njihova djeca koja ispunjavaju uslove u skladu sa zakonom.
10. Da Služba BIZ Živinice objavi spiskove korisnika bespovratnih stambenih sredstava dobivenih od strane nadležnog kantonalnog ministarstva, na zvaničnoj WEB stranici općine Živinice.
  11. Da JP „Horizontala” objavi spiskove korisnika pomoći za stambeno rješavanje na zvaničnoj WEB stranici općine Živinice.
  12. Da Općinski načelnik uputi zahtjev firmama koje vrše javni prevoz učenika i studenata da se oslobode plaćanja prevoza djece boračke populacije čije porodice nemaju nikakav vid primanja, kroz davanje saglasnosti na red vožnje.
  13. Da Služba za budžet i finansije općine Živinice i Centar za socijalni rad objave spiskove novčane pomoći svih korisnika za period 2000-2014. godina na zvaničnoj WEB stranici općine Živinice.
  14. Uputiti dopis menadžmentu RMU „Đurđevik” da se na konkursu prime pripadnici boračke populacije gdje će prednost imati oni u čijim porodicama niko ne radi i koji žive u obuhvatu RMU „Đurđevik” .
  15. Da se kod novih raspisivanja oglasa za prijem radnika u općinu Živinice, kao i u JU i JP čiji je osnivač općina Živinice objavi na oglasnoj tabli općine Živinice i na lokalnoj TV Živinice.
  16. Da se poništi konkurs za prijem u Vatrogasnu jedinicu općine Živinice, da se raspiše novi konkurs koji će biti objavljen na Oglasnoj tabli općine Živinice, kao i na lokalnoj TV Živinice, a prednost kod prijema da imaju boračke kategorije koje ispunjavaju uslove predviđene zakonom.
  17. Da se na poslovima čuvanja zemljišta i objekata preuzetih od Oružanih snaga BiH angažuju pripadnici boračkih kategorija, a ne zaštitarske agencije.
  18. Da prioritet u zapošljavanju firme za zbrinjavanje otpada „EKO-SEP” imaju stanovnici iz reda boračkih kategorija na tom području.
  19. Da se formira jedna boračka organizacija na nivou Općine.
  20. Da se dostavi informacija o svim zapošljavanjima u Organu uprave, Javnim preduzećima i Javnim ustanovama za zadnjih 10 godina i da li su raspisivani konkursi, sa imenima i prezimenima i datumom zasnivanja radnog odnosa.
  21. Uputiti dopis Uredu za reviziju budžeta – Proračuna u F BiH da se uradi eksterna revizija finansijskog poslovanja općine Živinice za period 2009 – 2013. godina.
  22. Nalaže se Upravnim i Nadzornim odborima u JP i JU da angažuju eksternu reviziju poslovanja JP i JU za 2013. godinu.
  23. Da u roku od 15 dana JP „Veterinarska stanica” privede namjeni i otvori stočnu pijacu.
  24. Da se 1,5% iz budžeta, bez grantova, izdvoji za poljoprivredu, a sa Službom urediti kriterije raspodjele.
  25. Da se naloži JU „BKC” Živinice da prostorije u kojima je smješteno Udruženje pčelara „Vrijesak” koristi bez naknade, kao i prostorije za rad svih boračkih udruženja.
  26. Da se Udruženje pčelara „Vrijesak” uvrsti u poticaje u budžet.
  27. Da se izvrši revizija gazdovanja poljoprivrednim zemljištem.
  28. Da se Udruženje penzionera uvrsti u budžet za 2014. godinu.
  29. Usvojiti Odluku o komunalnim taksama.
  30. Na osnovu podataka dostupnih od popisne komisije (zadnjih popisa) Centra za socijalni rad, Biroa za zapošljavanje općine Živinice, zadužuje se Služba za opću upravu, JU Centar za socijalni rad. Da Općinsko vijeće Živinice pripremi spisak porodica koja nemaju nikakva stalna primanja, i nisu uvedena niti u jedna prava po raznim osnovama, penzije, dopunskim pravima boraca, invalidnina, socijalne pomoći i dr.

31. Služba za lokalni ekonomski razvoj se zadužuje u saradnji sa asocijacijama poslodavaca, asocijacije nezaposlenih lica i dr. zainteresovanih pravnih i fizičkih lica pripremi prijedlog mjera popravljjanja poduzetničkog ambijenta i seta stimulativnih mjera iz nadležnosti lokalne zajednice, u cilju bržeg i efikasnijeg novog zapošljavanja kroz stimulativne mjere
32. Općinsko vijeće Živinice preuzima obaveze obespravljenih radnika DD „Konjuh-a“ iz nadležnosti lokalne uprave i Općinskog vijeća, i upućuje zahtjev Vladi F BiH, Vladi TK da iz svoje nadležnosti stvori ambijent za pokretanje proizvodnje i prihvatanje zahtjeva radnika.
33. Da se po usvojenim zaključcima pripreme odgovarajuće odluke koje će se po hitnom postupku razmatrati na sjednici najkasnije za 7 dana.
34. Općinsko vijeće Živinice traži od RMU „Đurđevik“ da iznađe mogućnost da se na posao vrate otpušteni demobilisani radnici i to: Trumić Teufik, Jagodić Mugbil, Mešić Denis i Hodžić Samir.

## II

Zaključke objaviti u „Službenom glasniku općine Živinice“.

PREDSJEDAVAJUĆA  
OPĆINSKOG VIJEĆA

Samra Omić,s.r.



**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-1061-2-15/2014

Dana, 13.3.2014. godine

Na osnovu člana 24. i 118. Statuta općine Živinice (“Sl. glasnik općine Živinice”, br. 4/12), člana 133. i 134. Poslovnika o radu Općinskog vijeća Živinice („Službeni glasnik općine Živinice”, br. 13/12), na prijedlog Kolegija, Općinsko vijeće Živinice na Vanrednoj sjednici održanoj dana 17.3.2014. godine, donosi sljedeće

**Z A K L J U Č K E  
O USVAJANJU INICIJATIVE**

**I**

Federalnom ministarstvu za boračka pitanja uputiti sljedeće inicijative:

1. Da se povećaju invalidnine RVI-a sa procentom invalidnosti od 20 do 60%, s tim da najmanja invalidnina iznosi 25% od prosječne plate u Federaciji BiH-e.
2. Da nadležno Federalno ministarstvo izvrši postupak izmjene Zakona o pravima branilaca u dijelu da se borcima oboljelim od PTSP omogući ostvarivanje prava na ličnu invalidninu.
3. Da nadležne Federalne institucije donesu propis kojim će refundirati nezaposlenu boračku populaciju – prijavljeni na evidenciju Zavoda za zapošljavanje a ne ostvaruju novčana primanja u porodici do iznosa 25% prosjeka plate u Federaciji BiH, na način da se svakom borcu obračuna naknada od 5,00 KM za svaki mjesec proveden u vojsci – A R BiH.

Kantonalnom ministarstvu za boračka pitanja uputiti sljedeće inicijative:

1. Da nadležno Kantonalno ministarstvo za boračko-invalidsku zaštitu izvrši izmjenu uredbe za pomoć u stambenom rješavanju boračke populacije u dijelu ostvarivanja prava istih kategorija koji imaju samo posjedovni list kao dokaz o posjedu nekretnine, a koji nemaju riješeno stambeno pitanje i nisu nikad koristili prava po tom osnovu.
2. Da Skupština Tuzlanskog kantona donese Odluku o obezbjeđenju premija zdravstvenog osiguranja za pripadnike boračke populacije iz firmi koje su protestovale (primjer „Konjuha” gdje imamo potražnju oko 260 premija).
3. Da se poveća stavka Ministarstva za boračka pitanja TK – jednokratne pomoći, pomoć u liječenju i drugo.

**PREDSJEDAVAJUĆA  
OPĆINSKOG VIJEĆA  
Samra Omić,s.r.**

**„Službeni glasnik Općine Živinice“  
broj: 5/2014**

**SADRŽAJ**

**I - AKTI OPĆINSKOG VIJEĆA ŽIVINICE**

1. Odluka o izmjeni i dopuni Odluke o povjeravanju javnih ovlaštenja br. 010-05-4915/05 od 17.10.2005. godine.....1
2. Odluka o izmjeni Odluke o naknadama vijećnika i zamjenika predsjedavajućeg općinskog vijeća Živinice.....2
3. Odluka o članstvu i ostvarivanju naknade uposlenika organa uprave Općine Živinice u Upravnim i Nadzornim odborima i Komisijama Općinskog vijeća i Općinskog načelnika.....3
4. Odluka o naknadama Nadzornih i Upravnih odbora.....4
5. Odluka o pristupanju izradi Urbanističkog projekta „Gradska pijaca“ Živinice.....5
6. Zaključak Općinskog vijeća Živinice – Prijedlog Odluke o izmjeni i dopuni Odluke o povjeravanju javnih ovlaštenja br. 010-05-4915/05 od 17.10.2005. godine.....10
7. Zaključci sa Vanredne sjednice Općinskog vijeća Živinice održane 17.03.2014. godine.....11
8. Zaključci o usvajanju inicijative sa Vanredne sjednice Općinskog vijeća održane 17.03.2014. godine.....14

---

«Službeni glasnik Općine Živinice» uređuje: Stručna Služba općinskog vijeća Živinice  
Odgovorni urednik i lektori: Suad Avdagić, Nermina Mahmutbegović i Mersiha Zahirović  
Tehnička priprema i štampa: Služba za opću upravu i društvene djelatnosti  
Kontakt informacije: 035/743-394, [ovijece@opcinazivinice.org](mailto:ovijece@opcinazivinice.org)

---